

## ثابرات ويس ثراثا ن يوحانا

أَمْعَارِ إِخَايُوسِ إِعْيَزْنَ، وَنَيِّ تَخْسَعِ ذِي ثِيذَت. <sup>12</sup> أَمْعِيَزْ، نَش سَيِّمِغْ أَذْ ثِيرِيذْ مَلِيحِ  
أَطَّاسْ، أَمْ مَامَشْ إِتِيرِي رَعْمَارْ نَكْ ذِ لَمَلِيحِ أَذْ ثِيرِي عَاوَذْ صَحَّتْ نَكْ ذِ لَمَلِيحِ.  
<sup>3</sup> مِينِزِي فَارْحَغِ أَطَّاسْ، رَامِي دُ وُسِينِ وَاوْمَانْ، شَهْدَنْ خِ ثِيذَتْ نَكْ، أَمْ مَامَشْ ثَكُورْ  
ذِي ثِيذَت. <sup>4</sup> وَاوْ غَارِي رَفْرَاحْتِ إِمْعَارَنْ أَمَشْنَاوْ ثَا، أَقَا سَرِيغِ ثَارُوا إِنُو كُورَنْ ذِي  
ثِيذَت. <sup>5</sup> أَمْعِيَزْ، أَقَا شَكْ ذِ أَصْدِيْقِ ذِي مَارَا مِينْ تَكْذِ إِ وَاوْمَانْ وُ إِ إِبَارَانِيْنِ، <sup>6</sup> إِنِّي  
إِشْهَدَنْ خِ ثَايِرِي نَكْ قِيْبَاتَشْ إِ ثَمْسُمُونْت. أَذْ تَكْذِ مَلِيحِ، مَارَا ثُوْشِيذْ أَسَنْ أَفُوسِ  
خُويِ ثَنْ إِ غَا تَكْوُذْ ذِكْ وَرِيذْ نَسَنْ سِ إِشْتَنْ نِ صِيْفَتْ إِوَقَارَنْ إِ أَرِّي. <sup>7</sup> مِينِزِي  
نِيْثِي فَعَنْ خِ سَيِّبْتِ نِ يِيْسَمْ نَسْ، وَارْ كَسِيْنِ وَالْوَزِي رَكْنُوسِ. <sup>8</sup> سِ وُيِّي إِتْخَصْ أَذْ  
نَقْبَرِ إِوُذَانْ أَمْ نِيْثِي، حِيْمَا أَذْ نِيرِي ذِ إِحْدَامَنْ أَكِيْذَسَنْ إِ ثِيذَت.

<sup>9</sup> نَشْ وُريغِ تِ إِ ثَمْسُمُونْت، مَاشَا ذِيْوُثِرِيْفَسْ، وَنَيِّ يَارْزُونْ أَذْ يِيرِي ذِ أَمْزَاوُ  
جَارَاسَنْ، وَارْ ذِ أَنْغِ إِقْبِيرِ شَا. <sup>10</sup> خِ وُيِّي مَارَا وُسيغِ-دِ، أَذْ ثِ سَعْقَرْغِ ذِي رَحْدَايِمِ إِ  
إِتْكَ، رَامِي إِتْحَارْصْ رَحْرُوضِ ثِيْعَفَانِيْنِ خَانْغِ. وَارْ إِقْبِيْعِ سِ مَانْ أَيَا وَاهَا، مَاشَا وَارْ إِقْبِيرِ  
أَوْمَانْ وُشَا إِنِّي إِخْسَنْ أَذْ ثَنْ قَبْرَنْ، إِمْعَارَا كِيْسَنْ، إِسُوفُوعِ إِثَنْ زِي ثَمْسُمُونْت.

<sup>11</sup> أَمْعِيَزْ، وَارْ ضَفَّارْ شَا ثُوْعَفْنَا مَاشَا ثُشُونِي! وَنَيِّ إِتْكَنْ ثُشُونِي، نَتَا زِي أَرِّي، وَنَيِّ  
إِتْكَنْ ثُوْعَفْنَا، وَارْ إِزْرِي شَا أَرِّي.  
<sup>12</sup> مَارَا شَهْدَنْ خِ ذِيْمِيْثِرِيُوْ وُورَا ذِ ثِيذَتِ سِيْمَانْتِ نَسْ، أَمْ نَشِيْنِ عَاوُذْ أَذْ خَاسِ نَشْهَدْ  
وُشَا تَسْمَنْ بَلِّي شَهَادْتِ نَعْ ذِ ثِيذَتِ .

<sup>13</sup> أَقَا غَارِي أَطَّاسْ إِ ذِ أَشْ-دِ غَا أَرِيغِ، مَاشَا وَارْ خَسْغِ شَا أَذْ أَشْ ذِ أَرِيغِ سِ سَمَخِ ذِ  
رَقْمِ، <sup>14</sup> مَاشَا سَيِّمِغِ، أَذْ شَكْ زَارْغِ ذَغِيَا، حَنِّي أَذْ نَسِيْورِ زَكْ وُفْمُومِ غَارِ وُفْمُومِ. <sup>15</sup> رَهْنَا  
أَذْ يِيرِي أَكِيْكَ. إِمْدُوكَارِ تَسْدِجَامَنْ خَاكْ. سَدِجَمِمْ خِ إِمْدُوكَارِ سِ إِسْمَاوَنْ نَسَنْ.